

## DIE HOËRSKOOL GRENS RESOLUSIE TEN OPSIGTE VAN DIE NUWE SKOLE- EN KREDIETWET

### Die Beheerliggaam lê die volgende resoluëie voor nl. dat:

Die Hoërskool Grens se skoolprogram as volg sal wees:

#### Akademieëie program:

Alle goedgekeurde departementele vakke wat deur die skool aangebied word, vorm deel van ons skoolprogram. Die volgende vakke het 'n addisionele koste:

Verbruikerstudies t.o.v. prakties – R300 per jaar  
Toerisme t.o.v. verpligte uitstappies  
Tegnologie betaalbaar in gr 8 – R50 per jaar (vir gr 8 en gr 9)

Alle ander vakke word op 'n vrywillige basis aangebied en is onderhewig aan bykomende koste. Skoolfoëie sluit nie handboeke, handleidings, huur van voorgeskrewe boeke, skryfboeke of ander skryfbehoeftes in nie.

#### Buitemuurse program:

Die volgende buitemuurse programme is deel van die skoolprogram:

Rugby	Muurbal	Fietsry
Netbal	Swem	
Tennis	Atletiek	
Hokkie	Krieket	

Hierdie sportsoorte sluit nie toere, hekgelde, sportklere of professionele afrigting in nie. Alle ander sport-/kultuuraktiwiteite word op 'n vrywillige basis aangebied en is onderhewig aan bykomende koste.

## FINANSIES

### Skoolfoëie:

1. Die voorgestelde jaarlikse skoolfoëie vir 2023 van **R32 505** word goedgekeur.
2. Opdatering van inligting van **alle** leerders moet jaarliks gedurende November geskied.

3. 'n Bedrag van **R1 000,00** is vooruitbetaalbaar om sodoende kontant gedurende Desember en Januarie, wanneer min skoolfooie ontvang word, beskikbaar te hê. Hierdie bedrag sal jaarliks hersien word.
4. Hierdie bedrag sal deel van die volgende jaar se skoolfooie uitmaak.
5. Indien die leerder vir watter rede ookal, nie die skool sou bywoon nie, sal die bedrag aan die ouer op aanvraag terugbetaal word.

### **Begroting:**

1. Die skoolfooie ooreenkomstig die bepalings van artikel 38 en 39(1) van die Suid-Afrikaanse Skolewet ("die Skolewet") vasgestel en gehef sal word.
2. Die begroting, soos voorgestel deur die beheerliggaam, goedgekeur word en dit deur die beheerliggaam gemagtig word om tekorte wat mag ontstaan op begrote bedrae vir bepaalde items, die begroting aan te vul uit oorskotte wat by ander items mag ontstaan. Dit is verder onderworpe daaraan dat die totale begroting nie oorskry word sonder goedkeuring van 'n ouervergadering nie.
3. Die skoolfooie betaalbaar sal wees ooreenkomstig die begroting soos deur die beheerliggaam voorgelê.

### **Betaling van skoolfooie:**

1. Skoolfooie is vooruitbetaalbaar en die volle uitstaande bedrag moet voor of op **28 Februarie 2023** betaal word. Indien die volle bedrag nie voor of op 28 Februarie 2023 betaal is nie en/of ouers geen skriftelike ooreenkoms met die skool onderteken het voor of op 28 Februarie 2023 met betrekking tot die betaling van skoolfooie in gelyke maandelikse paaieimente nie, is die volle bedrag verskuldig en betaalbaar.
2. Indien 'n ouer nie die volle skoolfooie kan betaal nie, moet die skool se finansiële kantoor vooraf skriftelik in kennis gestel word en die skoolfooie moet dan in minstens elf (11) gelyke paaieimente verdeel word. (Januarie tot November) Hierdie bedrag is voor die 7de van elke maand ten volle betaalbaar.
3. Die volle uitstaande skoolfooie sal onmiddellik opeisbaar en betaalbaar wees indien enige paaieiment nie op die vervaldag betaal is nie.
4. By versuim om betaling ooreenkomstig die aanmaning te doen, sal beide ouers aan 'n prokureur of skuldinvorderaar oorhandig word ten einde die skuld in te vorder, ongeag onderhouds- en hofbevele wat tussen die partye mag bestaan.
5. Die skool behou ook die reg voor om beide ouers se name as wanbetalers op die kredietburo se rekords te registreer.
- 6.1 Skoolfooie vir 2023 wat voor 31 Desember 2022 ten volle betaal is, kwalifiseer vir 'n 10% korting.
- 6.2 Skoolfooie vir 2023 wat voor 28 Februarie 2023 ten volle betaal is, kwalifiseer vir 'n 8% korting.
- 6.3 Skoolfooie vir 2023 wat op 7 November 2023 ten volle betaal is, kwalifiseer vir 'n 5% korting.
7. Rente van 10% per jaar sal op agterstallige bedrae belas word.

8. Alle ouers sal verplig wees om skoolfooie te betaal tensy hulle ooreenkomstig die bepalings van die Skolewet, enige toepaslike regulasies en hierdie besluit van sodanige betaling vrygestel is.
9. Bankkoste t.o.v. debietorders wat nie deur die bank ingevorder is nie a.g.v. redes soos bv. onvoldoende fondse, ens. sal op die wanbetaler se skoolfooierekening gehef word.

### **Kredietbesonderhede:**

1. Die skool mag besonderhede oor hoe die ouer/s/voogde hulle verpligtinge ten opsigte van die betaling van skoolfooie nagekom het, oordra en sodanige inligting met ander skole en kredietinstansies deel vir die doel van besluitneming rakende krediet risikobestuur.

### **Vrystelling/verlaging van skoolfooie:**


1. Die skool aanvaar en implementeer die vrystellingsregulasie soos dit in Oktober 2006 afgekondig is.
2. Ouers wat aanvoer dat hulle nie in staat is om skoolfooie te betaal nie en daarom vir algehele, gedeeltelike of voorwaardelike vrystelling van betaling van skoolfooie aanspraak maak, (volgens artikel 39(4) van die Skolewet) moet by die beheerliggaam vir sodanige vrystelling aansoek doen.
3. Die applikant moet die beheerliggaam skriftelik oortuig dat hy/sy op enige sodanige vrystelling geregtig is.
4. Die applikant se aansoek:
  - a. Moet skriftelik geskied op die voorgeskrewe vorm soos dit in die regulasies voorgeskryf is.
  - b. Moet die totale jaarlikse en maandelikse bruto inkome en uitgawes van hul huishouding, met dokumente ter staving, uiteensit.
  - c. Moet die bates en laste van die applikant uiteensit.
  - d. Moet die gesinsamestelling van die applikant uiteensit.
  - e. Moet aandui of daar vir algehele, gedeeltelike of voorwaardelike vrystelling van betaling van skoolfooie aansoek gedoen word.
  - f. Moet elke moontlike relevante feit wat die applikant ter ondersteuning van die aansoek wil aanvoer, bevat.
5. Die beheerligaam sal geregtig wees om sodanige inligting wat na hul oordeel nodig is vir die regverdige en billike beoordeling van 'n aansoek om vrystelling van betaling van skoolfooie, aan te vra of in te samel.
6. Geen aansoek om vrystelling wat nie aan die voorskrifte van hierdie besluit voldoen nie, oorweeg sal word nie, tensy die beheerliggaam oortuig kan word dat daar buitengewone omstandighede bestaan wat die nie-nakoming van die prosedure regverdig.
7. Die beheerliggaam geregtig sal wees om 'n aansoek om vrystelling soos hierbo bedoel, te ontvang, te oorweeg en daaroor uitsluitel te gee of aan 'n komitee van die beheerliggaam te delegeer.
8. 'n Applikant wat hom/haar verontreg voel deur 'n beslissing van die beheerliggaam of 'n komitee van die beheerliggaam soos in paragraaf 7 bedoel, geregtig sal wees om binne sewe dae na ontvangs van die

uitslag van sy/haar aansoek, skriftelik by die beheerliggaam daarteen te appelleer. Die appèl sal nie deur die beheerliggaam van die hand gewys word sonder dat die applikant geleentheid gebied is om mondelings aangehoor te word nie.

9. Behoudens die reg van 'n applikant om by die Departement van Onderwys te appelleer soos in artikel 40(2) van die Skolewet bedoel, die beslissing van die beheerliggaam finaal is.
10. Die enigste maatstaf waarvolgens die komitee van die beheerliggaam sal beoordeel of vrystelling in enige opsig verleen sal word al dan nie, is of die applikant voldoen aan die kriteria vir vrystelling soos uiteengesit in die Skolewet en enige toepaslike regulasies daarkragtens uitgevaardig.
11. Hierdie besluit sal nie die ouer of die skool van die reg ontnem om 'n ooreenkoms aan te gaan om die skoolfooie te betaal op 'n ander wyse as dié voorgeskryf deur hierdie besluit nie.
12. Die beheerliggaam geregtig sal wees om sodanige voorwaarde, as wat redelik geag word, vir vrystelling aan 'n applikant te stel.

**Taal:**

Die skool se vorms en korrespondensie in slegs een amptelike taal naamlik **Afrikaans** beskikbaar sal wees.



.....  
**VOORSITTER: BEHEERLIGGAAM**

15 November 2022

.....  
**DATUM**